

懸癰

生於會陰穴在陰囊之後谷道之前

初生如松子大如蓮子數

日始發紅熱腫痛大如桃李

湧泉疽

生于足前

書云腫發太陰狀如伏鼠十日可刺得

白膿者順青膿者險赤黑者逆不穴者死

穿襠發

生窮骨穴即陰羅之底也

色赤焮腫痛連陰子及腰背肛

門

灸三陰交穴三七壯

跨馬癰

生交襠近積線之處

按右症皆生於前陰之後後陰之前以其形異而

名亦異也

屬任脉別絡夾督脉衝脉之會由足

三陰虧損多兼志欲不遂之所致輕則成漏重而

則隕故麻木黑陷泄瀉嘔噦疲倦者久延谷道內
潰臟腑者皆不治 古云陽氣亢盛者宜坎離丸
取其苦寒能瀉水中之火令陽氣衰則陰自生陽
氣衰弱者宜六味地黄丸取其酸溫能生火中之
水使陽氣旺則陰自生然此症屬陰精衰弱者十
有八九陽氣亢盛者百中一二 初起腫痛小便
赤澀者先服製甘草一二劑及蒜灸之次服龍膽
瀉肝湯已成不得內消者托裏消毒散加川山甲
皂角刺自破或膿脹痛者針之朝服六味地黄丸
午服十全大補湯加丹皮澤瀉或再加附子久而

成漏者宜國老膏化湯吞蠟礬丸間以豆豉餅炙之
久則大附子餅炙之如晡熱煩渴氣喘體倦
食少大便溏小便數者脾虛也宜補中益氣湯加
茯苓半夏候飲食進諸症減更加麥冬五味子自
瘥經云陰虛脾虛也脾爲陰土而主生血若誤用
知母黃柏苦寒之劑復傷脾肺是絕其源矣

懸癰主治方

國老膏 初起者三二服可消已成者多服自效

粉甘草半觔內用無節者四兩劈破用長流水浸
透炭火炙蘸水以一盆水盡爲度切片另用長流

水三鍾無灰酒五鍾煎三分之一如膏一起服之
其有節四兩用泉水煎湯洗患處日三次自効
已破者三二服合口年久者雖腸潰糞從瘡口出
多服亦驗 一方加當歸二兩

懸癰應用方

龍膽瀉肝湯

見疳瘡門

托裏消毒散

六味地黃丸

十全大補湯

蠟礬丸

補中益氣湯

俱見首卷

臟毒

臟毒者乃肛門腫痛也而有內外虛實之殊 因厚

味勤勞而得者則脉數而有力肛門邊突腫形如
李核大便利小便赤甚者肉泛如籠堅痛如錐此
爲外發易治初宜貴金丸衛生散一煎散之類下
之外用金黃散以清涼膏調敷已成脹痛者針之
如攻利不應者托之外用神燈焰焰之磨蟬酥錠
塗之其堅硬漸腐俟有膿時用珍珠散倍冰片以
猪脊髓調敷因陰虛濕熱下注者則脉數細而
虛肛門內結腫刺痛如錐大便秘閉小便淋瀝寒
熱痰嗽遇夜尤甚此爲內發難醫治宜四物湯加
知母黃栢天花粉甘草兼六味地黃丸調之五灰

散托之俟膿出方安 因性急或兼補術太熱而
成者必痛連小腹二便乖違串蝕肛門大孔無禁
食減作渴 因虛勞久嗽而得者必肛門結腫如
粟破而成漏瀝盡氣血而亡此二症乃內傷所致
非藥能療

臟毒主治方

一煎散 臟毒初起腫痛服之立消

當歸尾 皂角刺 桃仁泥 川山甲炒

甘草各二錢 黃連一錢五分 枳殼 檳榔

烏藥 白芷 天花粉 赤芍

生地

錢各一

紅花

五分

玄明粉

大黃

錢各三

用水二鍾浸一宿次早煎一滾空心服之俟行

三四次以薄粥補之

五灰散 臟毒腫痛生於肛門內者

蜈蚣

川山甲

生鹿角

血管鵝毛

血餘

各煨存性各研末各等分和勻

每服五錢空心用黃酒調服

灸臟毒及腸風下血不止秘法 令患者平立量脊

骨前與臍平處是穴於脊椎上灸七壯如年深者

更於椎上兩旁各開一寸各灸七壯除根

臟毒應用方

貴金丸

衛生散

金黃散

神燈炤

蟬酥餅

珍珠散

六味地黃丸

俱見首卷

附

穀道生瘡久不愈者內用甘草節爲末每服三錢空心生蜜酒調服外以鷄內金煨存性爲末摻之

痔漏

痔漏之症雖瘍醫之事而鄙談之然擇疾而療豈仁

者之用心乎予閱內經惟云因而飽食經脉橫解
腸癖爲痔蓋爲飽食則傷脾土脾土傷則不能榮
養肺金肺金失養則肝木無制而生心火侮肺金
尅脾土於是尅所勝而侮所不勝也然飽食而成
此症者必有其因其因惟何蓋因飽食之後或暴
怒或努力或枯坐或酒色婦人或產難小兒或夜
啼等因致使氣血縱橫經絡交錯流注肛門而成
此痔矣如其腫者濕也痛者火也痒者風也閉結
者燥也惟宜隨其勝者以抑之乃其治也第恐學
者未得其詳附以專科趙真子家傳的本再附已

意於後稍補缺畧云爾

二十四痔

臍癰痔 肛門腫如饅頭兩邊合緊外堅而內潰膿
水常流此終身之疾治之無益

鎖肛痔 肛門內外如竹節鎖緊形如海蜇裏急後
重便糞細而帶匾時流臭水此無治法

番花痔 肛門四邊番出如碗大肉紫黑痛流血水
服涼血解毒之藥藥水洗之藥線札之根未盡者
萬憶膏敷三四次除根內服犀角地黃丸一料永
不再發

蓮花痔

狀如蓮花層層疊起有細孔疼痛出膿水

敷如聖散

七八次

至痔紫黑色住藥待七八日其痔

自落敷粉霜一次去根服槐角地榆丸以去內毒

重疊痔

生騎縫中間層層疊起乾燥無水只痒而

不腫痛搽如聖散日三四次七日痔落不須服藥

鈎腸痔

肛門內外有痔摺縫破爛便如羊糞糞後

出血穢臭大痛者服養生丹外用薰洗每夜塞龍

麝丸一丸於穀道內一月收功

懸膽痔

生於臍內懸於肛外時流膿水便痛出血

先枯去痔不須收口服血竭內消丸

內外痔 肛門內外皆有遇大便卽出血疼痛用熊
膽冰片膏日搽三四次用後方薰洗

內痔 在肛門之裏大解則出血如箭便畢用手按
良久方入服番肛散塞換痔散卽番出洗淨敷如
聖散五七次其痔紫黑色自落換收口藥收口服
收肛散卽入或番出時用藥線札之亦佳服槐角
苦參丸或涼血地黄丸前法治之其大便有七八
日難解須少用飲食先與患者說明免惑

血箭痔 與內痔同但無痛痒爲異耳若大解則鮮

血如箭不問糞前糞後宜灸承山穴內服蠟皮象龍丸

氣壯痔 肛門側邊有形無痔遇勞苦氣怒酒色則
發發則腫脹形若核桃堅硬如石俟氣消毒散則
平復如初惟戒氣怒不須醫治

沿肛痔 週圍皆有痛痒出水搽二仙丹一二次化
爲黃水用槐花朴硝煎湯洗之服涼血解毒丸三
四貼或清金丸半觔則毒盡根除

楊梅痔 亦週圍皆有形似楊梅只痒不痛乾燥無
膿此梅毒將發之候也先服如聖散一劑次服托
裡解毒湯十餘劑外搽射糞丹三四次自愈

子母痔 兩邊相對或大或小時腫時疼頭大根小

敷二仙丹內服槐角地榆丸收功

雌雄痔 亦兩邊相對但一大一小腫痛出膿頭小根大爲異耳敷如聖散六七次俟痔落而再醫漏如無漏孔就可收口宜服苦參丸清熱解毒

凌角痔 狀如菱角左右皆有三四孔一孔通腸流膿水先宜去痔次穿漏孔年久者內有附管用藥丁去管次穿漏收口宜服蠟礬丸乾膿收口虛者服十全大補湯六十貼

葡萄痔 左右如乳頭堆起只痒不痛遇辛苦出水或痔有孔出膿宜先去痔次穿漏孔如不通腸用

丁取管收口服蠟礬丸收功

核桃痔 肛外一邊形如核桃有孔腫痛流膿先用藥線札去痔次穿漏服蠟礬丸收口

石榴痔 生谷道前形如石榴破塌疼痛有孔出膿宜先去痔次收口宜服槐角苦參丸

櫻桃痔 宜先去痔次穿孔服琥珀丸收功

牛奶痔 先用藥線札去次點萬憶膏一二次除根

鷄冠痔 亦先札去敷粉霜一次痔平即可收口

鷄心痔 鼠尾痔俱無痛痒遇辛苦則發不治無害

右痔二十四種形色雖殊而治法則一開載已悉

學者宜依次調理不得妄為加減致取不驗至囑

痔漏主治方

涼血地黃湯 治痔腫痛出血

歸尾 一錢五分 生地 二錢 赤芍 一錢 黃連 炒二錢

枳殼 一錢 黃芩 炒黑一錢 槐角 炒黑三錢 地榆 炒黑二錢

荆芥 炒黑一錢 升麻 五分 天花粉 八分 甘草 五分

右一劑加生側柏 二錢

用水二大鍾煎一鍾空心服三四劑則痛止腫消

更外兼薰洗

薰洗方 凡痔腫痛出血及漏毒腫痛俱効